

ამონაწერი

ივანე ჯავახიშვილის სახელობის თბილისის სახელმწიფო უნივერსიტეტის
იურიდიული ფაკულტეტის
საბჭოს სხდომის
ოქმი № 2

7 მარტი, 2025 წ.

საბჭოს წევრები:

- | | |
|-----------------------|---------------------------|
| 1. ბრეგვაძე ლაშა | 11. ბოსტოლანაშვილი დავით |
| 2. დავითაშვილი გიორგი | 12. გონაშვილი ვასილ |
| 3. ზოიძე ბესარიონ | 13. ზარანდია თამარ |
| 4. თოდუა ნონა | 14. ლორია ხათუნა |
| 5. ივანიძე მაია | 15. მახარობლიშვილი გიორგი |
| 6. ფაფიაშვილი ლალი | 16. შალიკაშვილი მორის |
| 7. ქურდაძე ირინე | 17. კველიშვილი მარიამ |
| 8. ჭილაძე ნანა | 18. ნუცუბიძე მაკა |
| 9. ხარშილაძე ირმა | 19. ღვამიჩავა თამარ |
| 10. ხუციშვილი ქეთევან | |

ასევე საბჭოს არაწევრები:

- | | |
|------------------------|--------------------|
| 1. გიორგიძე ალექსანდრე | 4. ლაპიაშვილი ნინო |
| 2. გვილაფა მაია | 5. ტეფნაძე ნიკა |
| 3. დვალიძე ირაკლი | |

დღის წესრიგი:

14. იურიდიული ფაკულტეტის ევროპული კვლევების ინსტიტუტის საბაკალავრო და სამაგისტრო პროგრამებში შესატანი ცვლილებების პროექტების განხილვა / დამტკიცება;

განიხილეს:

14. იურიდიული ფაკულტეტის ევროპული კვლევების ინსტიტუტის საბაკალავრო და სამაგისტრო პროგრამებში შესატანი ცვლილებების პროექტების განხილვა / დამტკიცება;

თსუ-ის ევროპული კვლევების ინსტიტუტის დირექტორმა და სადოქტორო პროგრამის ავტორმა ქალბატონმა ნინო ლაპიაშვილმა აღნიშნა, რომ ევროპული კვლევების ინსტიტუტის საბაკალავრო და სამაგისტრო პროგრამებში შევიდა გარკვეული ცვლილებები, რომელთა კატეგორიზაცია შესაძლებელია სამ ჯგუფად.

პირველ რიგში, ცვლილება ეხება პროგრამის ხელმძღვანელთა ჩამონათვალს, ვინაიდან პროგრამათა ერთ-ერთი თანახელმძღვანელი პროფესორი ვასილ კაჭარავა გარდაიცვალა. ამ ფაქტმა გამოიწვია პროგრამის ხელმძღვანელთა ჩამონათვალის კორექტირება.

ცვლილებათა მეორე კატეგორია ეხება სტუდენტთათვის ახალი არჩევითი სასწავლო კურსის შეთავაზებას. ქალბატონმა ნინომ აღნიშნა, რომ სასწავლო კურსების დამატება გამოწვეულია საგანმანათლებლო პროგრამაში დარგობრივი კომპეტენციის გაღრმავების საჭიროებით, აგრეთვე აკრედიტაციის ექსპერტთა რეკომენდაციის დამატებითი ღონისძიებით შესრულებისა და ევროკავშირის ერაზმუს+ ჟან მონეს მოდულის პროექტის იმპლემენტაციისათვის.

ქალბატონმა ნინომ საბჭოს წევრებს განუმარტა, რომ საბაკალავრო პროგრამაზე სტუდენტებს ექნებათ შესაძლებლობა არჩევითი კურსის ფარგლებში აირჩიონ სასწავლო დისციპლინა “შესავალი ევროკავშირის გაფართოების პოლიტიკასა და სამართალში“, ხოლო სამაგისტრო დონეზე პროგრამას დაემატა ახალი არჩევითი სასწავლო კურსი „ევროკავშირის გაფართოების პოლიტიკისა და სამართლის გავლენა კანდიდატი ქვეყნების დემოკრატიზაციაზე“. ქალბატონმა ნინომ დააზუსტა, რომ თითოეული ცვლილება შეთანხმებულია იურიდიული ფაკულტეტის ხარისხის სამსახურის უფროსთან ბატონ გიორგი მახარობლიშვილთან.

ცვლილებათა მესამე კატეგორია ეხება პროგრამის განმახორციელებელ ხელმძღვანელებს, რომლებიც პროგრამათა აკრედიტაციის პერიოდში გარდაიცვალნენ. ვინაიდან პროგრამის განმახორციელებელი ვერ იქნება გარდაცვლილი პირი, შესაბამისად, დღის წესრიგში ჩადგა ლექტორთა ჩანაცვლების საკითხი.

ქალბატონმა ნინომ ცვლილებების შესახებ საბჭოს წევრებს დეტალურად მიაწოდა ინფორმაცია ცვლილებებზე, რომლებიც წარმოდგენილია *დანართი №8-ის სახით*.

კენჭისყრის შედეგი:

გადაწყვეტილება მიღებულ იქნა ერთხმად.

დაადგინეს:

საბჭოს წევრებმა განიხილეს იურიდიული ფაკულტეტის ევროპული კვლევების ინსტიტუტის საბაკალავრო და სამაგისტრო პროგრამებში შესატანი ცვლილებების პროექტები. *დანართი №8-ის სახით* წარმოდგენილი ცვლილებების პროექტი საბჭოს წევრებმა მიზანშეწონილად მიიჩნიეს, მათ ერთხმად დაამტკიცეს აღნიშნული ცვლილებების განხორციელების საჭიროება.

საბჭოს თავმჯდომარე

ასოცირებული პროფესორი თამარ ზარანდია

საბჭოს მდივანი

ასისტენტ-პროფესორი მარიამ კველიშვილი

ამონაწერი სწორია

საბჭოს მდივანი

ასისტენტ-პროფესორი მარიამ კველიშვილი

